

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



حبيب الروح

اداء عصام محمد نور

من قصائد المحبة والتعظيم

العاشق أذاه الليل
والبراق يزيد الويل
مناي يا طيبة فيك مقيل

شوقا ليك يهد الحيل
يجرف فينا جرف السيل
وحات رب البلاد الايل
قلوب كل العباد في ميل

حبيب هايمبو حتى جبيل
ويبكي الجزع قالو حليل
وطيرا في صراخ وهديل
والقصواء بكاهها عويل

المعصوم حنين ونبيل
عميق ايمان وربيه وكيل
يهدينا الطريق وسبيل
طريقا غيرو مافي بديل

سماحة الهاشمين وطويل
نور من نور وخذه أسيل
الطاهر بسوم وكحيل
دايم صمتو صوتو صحيل

مشحون بالوقار وجميل
ويمسح وجهو بالمنديل
ويشهد ليهو غصن نخيل

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

والأحجار سلاما جزيل

عظيم أخلاق وقدره جليل
وللرحمن كريم و خليل
يوم الناس صراخ وعويل
بتلقى الماحي ظلوا ظليل

نسيما من تهامه عليل
وللخرطوم قصدنا عدل
يذكر بالأتانا دليل
ويبارك للضعيف وقليل

شاهد ربي ما هو بخيل
يصب صلواتو ليها يكيل
وتسليما نخيلو يشيل
علي طه الكريم وأصيل

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

ما غريب انو بنحبك
اداء محي الدين اركويت
من قصائد المحبة والتعظيم

ما غريب انو بنحبك
وانت في قلوبنا المدلل
وزرنا ما بنقدر نغيبك
والدمع لهدومنا بلل

لو قلنا بس لله خليل
مقام جليل عند الجليل
وأرق من نسام عليل
ويبارك الزاد القليل
وفي المعاد ظلا ظليل

لو قلنا بس فيك الجمال
اعذرنا لو القلب مال
كونو الجمال مليون كمال
لكن محاسنك كالرمال
بكت النخيل حنت جمال

لو قلنا ممدوح في الكتاب
وعلى يدك الكون تاب
وفزت في المعراج خطاب
وسمانا بي مسراك طاب
وأناك يسعى سبيط رطاب

لو قلنا حسنك والغرام
والجماد لي حبه رام

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

يتمنى لو يلقى المرام
ويبكي لي شوق الكرام
اليطفي في قلبه الضرام

لو قلنا بس نورك وروح
آلاف قصايد والشروح
عذب قلوب فتق جروح
في النفوس فرتق صروح
من نار غرامك وين نروح

لو قلنا من اشرف بحار
وخلقوك خيرا من خيار
وسكنت في اظهر ديار
لو سلمت حتى الحجار
انا شن اقول فيك يا منار

صليت على جاذب القلوب
من الشمال حتى الجنوب
عدد الرمال عدد الحبوب
وسلامي من كل الشعوب
بالفرض والواجب وجوب

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



زاد هيامي

اداء الصحوة للانتاج الفني

قصيدة في مجارة سيدي الشيخ عبد الرحيم البرعي رحمه الله تعالى

زاد هيامي وهاج غرامي
يا كريم ابلغ مرامي

روحي هايجه كنهر طابه
نفسى طاربه وقلبي طابا
بي زيارته في بلده طابه
الاسمو في الانجيل طابا

هيا يا عثمان وبدرى
شان نساقر نمشي بدرى
لي جميل النور كبدر
وهازم الكفار في بدر

يا عالم الاسرار وغيبه
يا ربي اكرم لا نغيب
قلبي مشغول بالنقيب
الرد لي شمس المغيب

لا ابن جنى ولا ابن فارس
يشرحوا حكمك يا فارس
في قريش اشجعها فارس
ودك ليك الروم وفارس

السعيد ده الحج راحا
زيارته حبي الفيه راحه
نقبل الاقدام وراحه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

وننجذب بي خمر وراحه

الرطن بالفارسي سورا
في غزوة ذكرت في سوره
والملاك يحرس لسورا
والاجاز للهرة سورا

ده امته المحجوله غره
بالامين اصحل واغرا
يوم تنجو من حر وقره
وعتبه في النار استقرا

نبينا في معراجو ساري
الشفيع في الآخره ساري
الحبه في الاكباد ساري
يا رحيم حل لي اساري

للجيوش بالسيف معلا
القدره سامي ومعلى
نمشي بي خفة ومعلا
شان نزور قبر المعلا

حلفا فوقنا ولا مسيدنا
ومن شرق لا وادي سيدنا
سيد السادات وسيدنا
ودا الحبيب غرة مسيدنا

ود سعاد كبر وصلي
على النبي سلم وصلي
يا ربي ابلغنا المصلي
لى روضه وين جبريلو صلي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

من باب حبك
اداء عصام خضر

قصيدة في المحبة والتعظيم

من باب حبك قلبي صادي
والهيام في عيني بادي
يا حبيب للقلب وهادي

من زمان دربك هويته
وحرك اشجائي ونويته
شلتو في قلبي وحويتو
في صميم الروح طويتو

رسولنا ود عز القبائل
وهو مقياس للفضائل
وطه يوم الصمت قايل
وهو هم الناس شايل

دا طه محبوب بالقرون
وطه من اشرف بطون
يا ناس دا سداد الديون
قول حبي يا نور العيون

مين الملائنا هيام وشوق
هو الحرق جوف العشوق
مين الختم لالت زهوق
هو الرحيم بينا وشفوق

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

سهمك قلوب الناس اصاب
وعبد الرحيم بي حبه داب
ابو لينه هايم شعره شاب
ما أصلو في الحب العذاب

مرحباب سيدي الحبيب
دا الانور الزاكي اللبيب
هو الطاهر الباهر نجيب
نار حبه في قلوبنا اللهب

يا اخواني صلوا على النبي
دا البيهو نضمن ونحتبي
مشكور ومحمود من صبي
انا افديك بي امي وابي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

حبك انت يقين وجنة
اداء عافية حسن
قصيدة في المحبة والتعظيم

حبك إنت يقين وجنه
وفي مقام بيتك شجنا

قلنا بسم الله ولجنا
الشهادتين فيك دمجنا
في سما المحبوب درجنا
يرحم اخطانا وهرجنا

طه أنوارنا ووهجنا
يعدل أخطانا وعوجنا
حرر أرواح من همجنا
وبي محبتو كم لهجنا

طه نفديك بي مهجنا
يا قمرنا جمال دعجنا
طاعة ايمان فيك مزجنا
وبي غناك اليوم هزجنا

شريعة سنة بيك نهجنا
يا بدر ضاوي الدجنه
لي ديارك كم حججنا
طريقة غيرك لا حوجنا

في كراماتك درجنا
وفي مقاماتك عرجنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

من كواكب فيك سرجنا
والفضائل توب نسجنا

بك من ظلمات خرجنا
بكلمة التوحيد نضجنا
بطيوفك كيف نشجنا
دخلت في قلوبنا ورتجنا

افضل الصلوات نتجنا
وكترة التسليم بهجنا
زلنا بي جاهك حرجنا
في جنان رضوان خمجنا

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



نور بالنور
اداء نجود عجب

قصيدة في المحبة والتعظيم

حبيب الله اهداني
وللرحمن ادناني
وبالانوار مداني
وللجنات وداني

أحمد نسبو عدناني
مسطر جوه وجداني
وندوة كل احداني
وقدوة كل سوداني

شهادة صدق اداني
للجبار قريب داني
من نيرانو صداني
وفي التوحيد عداني

نور بالنور وورداني
وصفو حقيقة غيداني
كلامو ولفظو شهداني
رجايا يطهر ارداني

حبك طه هداني
هلك لجسمي وابداني
وفي الحيرات سداني

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

وسيرتك هي ميداني

خالد قلبو جحداني
وداير يبقى سعداني
عليك عليك تفداني
من غفلات وكيداني

صلاتي عليك وحداني
عدد ما ادى فداني
تشرف كل بلداني
وتحفظ كل سوداني

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

دي المحبة
أداء عبده شرف
قصيدة في المحبة والتعظيم

دي المحبة
ولا زول ولهان وغبا
كونو لبي
وفي هيام زار المنبي
زادو عبا
وديمة في عيني هو قبه

زادو حبه
كان بعض فاكهة وأبا
قام وتبا
للسول والآل وصحبا
باح وخبا
والغرام نيرانو صعبه

أحسن رهبه
وما عرف شرقا وغربا
وبعد غربه
جاتو من الماحي قربه
ملالو كوبا
كم شرب من ايدو شربا

إزداد حبا
وفي السلام قبلو عتبه
هام طربا
أزال من القلب كربه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

فك رقبه
إجتى في الصيف عنباً

بعد وجبه
كالقمر في العرش وجبا
هام عجباً
فها هنا من يطفى لها
أغلى حسبا
ها هنا الموصول نسباً

أنته وهبا
كحمام في الساحة سرباً
عندو قلباً
هو عامر بالحب خصباً
جبلاً وصلباً
وفي سما الطاعات جدباً

صلي رباً
على الحبيب بالرحمه صباً
عدد حباً
عد انهار واحجار وعشبا
عجم وعرباً
وعدد كل من طائف بكعبه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

قلبي مشتاق
اداء نجود عجب
قصيدة في المحبة والتعظيم

قلبي مشتاق نفسي هايمه
وروحى من الدنيا مارقه
وأرجو منك ذكرى دايمه
يا شمسنا الديمه شارقه

الحبه عذب لي قلوبنا
وحرقت احشانا وكبدنا
غرامه زايد لي كروبنا
ونحن بي حبك شهدنا

نحن حبك من طرفنا
وانت كل الدنيا هيلك
نحن بي حبه اعترفنا
انت كوكب تضوي ليلك

الغرام نيرانو زايد
ونحن ما قادرين نطفي
ومهما نروى مافي فايده
نحن عاجزين ما بنوفي

حبك انت يهد جبال
ونقرأ في سيرتك معاني
غرام لأمة ولا يزال
ونحن في حبك نعاني

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

قالوا شعراء وما اكتفو
وكتبوا آلاف القصايد
وقالوا فيك ثم احتفوا
والغرام لكل صايد

صلي ربي على النبيل
والسلام من غير حساب
لمحمد الهادي السبيل
في الجنان يبقانا باب

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



قبل ما اعرفك واحبك

قصيدة في المحبة والتعظيم

قبل ما أعرفك وأحبك
كنت قائل إنني بعشق
وقبل ما يهديني ربك
كنت في الحب ما مرزق

كنت مسكين كنت ضايع
والزمن حاجزني منك
قلبي مشغول بالبضايع
والنجوم تحكي لي عنك

من زمان في قلبي كنت
ديمه بتفشقش دموعي
ولما آخر عمري بنت
كنت فرحان بي رجوعي

البدور غيرانه منك
ونورك أجمل من ضياها
والعشوق يشرب في دنك
والبكر فاتا في حياها

الورود اعطارا ماسخه
بالعطور الفايقه منك
وشروط الحسن ناسخه
كل ما لم يرو عنك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

العقل مشغول بطيفك
وروحى تحلم بي هواك
لو اكون في مرة ضيفك
والقى رشفات من دواك

صلي ربي على حبيبنا
عدادو ما يرضيك عنا
وبرد اشواقنا ولهيبنا
واغفر أرزل ما فعلنا

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



النبي النفيس
قصيدة في المحبة والتعظيم

يا حبيب الله وحيي
جيتنا بالقرآن تنبي
والقلب للرب يلبي

انت يا جيت من نفوسنا
وبيكا اتزالت رجوسنا
وزالت آلامنا ونحوسنا
في رحابك كان جلوسنا

عزيز عليك فينا العنت
وكوم جرايم وما جنت
وظهورنا بالسوء انحنت
وذنوب عدد اجيال فنت

بالأمة غيرك مين حريص
وتجدنا من يوم عويص
يوما صعب هل من محيص
اشملنا والبسنا القميص

وبالمؤمنين رؤف رحيم
دا اليكفي من نار الجحيم
وينجيننا في اليوم الاليم
بشفاعتو للرب الحلیم

قل حاشا ما بنتولى عنك
بل نكون في حسن ظنك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

ونرجو افضالك ومنك
والامم بالشوق رجلك

قل حسبك الله يا حبيبنا
ونحن ايضا قال مجيبنا
و ربك الفعال حسيبنا
اصرف الشر لا يصيبنا

صلي ربي على التهامي
والسلام بي دمعي هامي
بعدد قطرات الرهامي
و بيها تتحقق مهامي

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



ما كفاية
قصيدة في المحبة والتعظيم

لو بس نحبك ما كفايه
إنت مفروض يعشقوك
اصلو من لومي وجفايا
قلبي طامع في عفوك

انت يا أصفى الصفايا
ورحمة بالأنوار كسوك
ونحن نحجل ليك حفايا
والقلوب بالشوق بكوك

ما انت يا ابن الفواطم
بهجة الكون والسرور
واول النبيان وخاتم
وشافع النار الحرور

انت ناير بيبك هاشم
و العواتك من سليم
وبيك ندفع كل غاشم
رحمة من عند الكريم

انت يا مزروع في قلبي
وما حبيب غيرك حبيب
في الصراط نور لدربي
والصراط زي السبيب

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

ديمة شاغل فيني بالي
والخواطر في علاك
انت قدرك سامي غالي
حياتي من غيرك هلاك

صل ربي على نبينا
والسلام من غير حساب
صلي يا ركني الركينا
صلي وافتح لنا باب

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

بيك غرامي أداء نبوية الملاك

بيك غرامي وإحترامي
رسولنا
صلاتي ثم بعده سلامي

ذروة الإسلام
من الإله أنعام
انت بدر تمام
والبدور في وصفو هي محض ظلام

الضاحك البسام
في القيامة محامي
يوم الخلق أكوام
الشفاعة بتظهر في المقام السامي

الكامل الأحكام
في الحل والإحرام
دا الاهدي للأقوام
للعفاف والتقوي ولإله إعظام
الكافل الأيتام
و الواصل الأرحام
اللي النهار صوام
وفي القيام تنقطر تتورم الأقدام
الواسع الالمام
الما سعي الأقدام
حجتو الأفحام
والكتاب ونعيما في الغار تحرسه حمامي
حب طيبة نار وضرام
وما رغبت فطامي
بشكو ليك الامي
و الوداد واللوعة في يقظتي ومنامي

اللي قليبني الرامي
وهو برضو مرامي
هل عساو إكرامي
بالقبول والتوبة مولاي يزِيل إجرامي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

عيون النبي

العاشق اذاه عيون
تعذب فيو عذاب الهون
فيك يا طيبه حب وشجون

عيونه الواسعه تملئ الكون
مناي بي نظري فيها سكون
نار هلكت قليب ممكن
وبالريد والغرام مسكون

عيونه طبيعه مكتحله
ومن افخر كحل احلى
وبينا تسير ومرتحلا
وهايم حبه بوحلا

عيونه مبالغات سودا
نهاجر فيها غير عوده
عيونه تقيه وسهوده
رات في العرش مشهوده

العينين هلاك ودمار
لون ابيض يخالطه حمار
اقضت مضجع السمار
والزوار والعمار

رموشو طويله وغزيره
ولي عينية كجزيره
نحب الرفقه والجيره
وبعد الحب تجي الغيره

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

حواجبه رقيقه وطويله
وغير متصله في ميلا
جنود محشوده بي خيلا
تساهر بينا كل ليله

عيون غير الله ما شافت
وللمولى اتقت خافت
وبي عرش الاله طافت
واملاك والرسل صافت

صلاتي عليك جميل اللون
صلاتا من قلب مكون
صلاتا بالاسم مكنون
ترضي النور واكون ممنون

ا ب ج د هـ و ز ح ط ي ك ل م ن س ع ف ص ق ر ش ت ث خ ذ ض ظ غ
البون دون هون كون لون نون عون صون خون

حجون مجون سجون شجون مسجون معجون مفجون بدون يهون رهون مدهون
مرهون موزون محزون لحون صحون مطحون ممحون مسحون مشحون بطون
مبطون معطون ديون عيون خيون مديون معيون يكون سكون ركون ممكون مسكون
مركون بالون جالون كالون صالون ممنون مسنون نون بنون جنون منون سنون
مجنون مكنون ممنون

العون طعون يعزن مطعون ملعون جفون حصون يصون مصون دقون محقون قرون
مقرون اتون هتون متون فتون مفتون يخون
ديون زبون لبون مجون مسجون مرهون موزون

والعاشق اذاه رموش
روية ليلي ليها عطوش
لما يشوفا راسو يدوش
ويقلب حالو كالمدهوش
أدعج العينين أهدب الأشفار

والأدعج الشديد سواد العين والأهدب الطويل الأشفار

أزج العينين

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

وقوله : ((أشكل العينين)) ؛ قال أبو عبيد : الشُّهْلَةُ : حمرة في سواد العين ، والشُّكْلَةُ : حمرة في بياضها ، وهو محمودٌ

اكحل العينين

حمره في بياض العين

في عينه حمره

اكحل العينين اهدب

قُلْتُ مَا أَشْكَلُ الْعَيْنَيْنِ قَالَ طَوِيلُ شَقِّ الْعَيْنِ

ا ب ج د ه و ز ح ط ي ك ل م ن س ع ف ص ق ر ش ت ث خ ذ ض ظ غ

جافت وافت حافت طافت لافت عافت صافت

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

حن قلبي ورجف

الليله حن قلبي ورجف
على الرسول الفي ام نجف
مولانا يا من قد لطف
وللقلوب النافرات الف
بالانسي والحيوان عطف
وانزل الماء والعلف
بثني بي من قد وقف
ولي قريش الدين وصف
وكلمة التهليل هتف
ولي جميل الدين كشف
حبيبي نعلو قد خصف
من ذاتو اعطى للنصف
في الدابه متواضع ردف
وفي الجهاد صاب الهدف
يا زميل شيل الاسف
يوم في غزاة احد نزف
وفي حنين شاهت حذف
وقال نصور الله ازف
حبيبي يسكن في السعف
وشاته في الحلبان كتف
لا ضج لا هان لا كسف
لا مال لا خان لا عسف
ول خالد المادح حلف
غير النبي ما عنده صف
بالشوق والذوق واللهف
وبالحب والتعظيم زلف
يا كريم اكفي الصلف
واجعلنا من خير الخلف
اجعلنا في المختار كنف
وان نسير سير السلف
اكفينا من شر الخرف
ومن عقارب والزحف
من شر مظالم والجنف
واسكنا في الجنات غرف
صليت على سيد الشرف
المن جنان رضوان رشف
تبلغنا في حبه الشغف
وفي الجنان عايشين ترف

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

حب النبي وآل النبي أداء عبير على

حب النبي وآل النبي
غاية الإيمان والأدب
والقوم الكمل ونجب

حب النبي حب لى ربي
من كاسه أملاً واشرب
حب النبي حبه فوق ابي
فوق النفوس والصحب

حب النبي هو نسبي
زادي وعتادي وحسبي
حب النبي روح مطلبي
يكفيني نعم المكسب

ريد النبي بتقرب
تلقى الأمان والخصب
يا رؤف رحيم كالسحب
ويقوم مقام الكوكب
حب النبي كاللهب
يطهر عيوبي وكربي
مذكور في كل الكتب
باسمه بي وصفه الأبي
سيدنا النبي بيك بحتبي
من نفسي من كل خطب
يا ريت تكون لي سبب
وامان من السلب
سيدنا النبي نهرا عذب
نورا يزيل الحجب
صل لنبيك العربي
عدد السنين والحقب

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

أنا شوقي ضارم
لحن وأداء معتز صباحي
ادها ايضاً ثنائى الصحوة
وخالد الصحافة ونبوية الملاك
والحان وأداء أسامة خالد السورى

أنا شوقي ضارم
لأحمد الأمي نبع المكارم
حبيب عظيم الشأن

لبيت وحارم
في الحج أطوف البيت مديون وغارم
للركن لاثم
بالسيئات والسوء مليون وأثم

هبت نسايم
لي طيبة بالأفراح والوجد قايم
دعنى يا لاثم
أنا قلبي بالمختار مجذوب وهائم

رؤوف وراحم
وسنده في الاحساب لقصي وهاشم
هادئ وحازم
إختص بالألطف وللود ملازم

في كنتفو خاتم
للرسل والأكوان مصباح وخاتم
السيفو صارم
بيدد الظلمات ويحمي المحارم

عشقو الحمايم
الي فهم التعبير ولغة البهايم
للكون دعايم
الوصفو في التوراة حلال الغنايم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

انا بيهم غانم
رقية وام كلثوم زينب وفاطم
في الآخرة سالم
الطيب و ابراهيم سادتي وقاسم

في الرحمة عايم
الأسروا بيه مرات صاحي ونايم
الحي ودايم
عليكا بالصلوات وسلام يداوم

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

العاطر فواحه أداء عبير على

مشتاق أشوف النبي العاطر فواحه
لولاه ما لليل مغزى في صباحه

يوم هاجروا الاتنين وابو بكر صاحبه
واليوم أكان اتنين وسراقة لاحقه
تحصينه كان ياسين
يا جد حسن وحسين
جبريل في التأمين
والمولى ناصر
لولاه ما لليل مغزى في صباحه

أبيض جميل وحزين والهيبة طابعه
مربوع رزين وأمين في كتفه طابعه
بالتين والزيتون
مكة وطور سينين
أشواقي حدها وين
يا الله أشاهده
لولاه ما لليل مغزى في صباحه

بعثوه أربعين وأبوجهل جاحده
وجهاد لنصر الدين كترن مشاهده
شافوه راى العين
بدرى وأحد وحنين
الدم يسيل وأنين
نفسى الفداه
لولاه ما لليل مغزى في صباحه

يا سيد الكونين طالبين شفاعته
نلقى الكرم واللين نبقى في جماعته
في قلبي ليك حنين
وإن شاء الله متلاقين

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

أقبلنا بالصالحين
وفؤادى تصالحه
لولاه ما لليل مغزى في صباحه

يا شفيع المذنبين والامة همه
كل زول كبير فى السن فى الحسبة عمه
أدبك عظيم من وين
من رب رحيم ومتين
اكرمنا يوم الدين
ظله لا نبارحه
لولاه ما لليل مغزى في صباحه

فى صحيح الشيخين تكثر خصاله
بس نحن طمعانين زادوا ووصاله
بقلوبنا مشتهيين
نلقى المنى والزين
نقوله مشتاقين
ونقبل راحه
لولاه ما لليل مغزى في صباحه

صلوات ليوم الدين لعظيم مقامه
وسلامنا فى كل حين لحالة كلامه
أدعج مكحول العين
أقرن شعر حاجبين
احتاروا بين قمرين
وقلبي شارحه
لولاه ما لليل مغزى في صباحه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

النبي المحبوب
أداء إسماعيل حسب الدايم
ايضا اداها وليد زكي الدين

للمحبيب في الحنايا
سيد رحي وقلبي وحجايا
محمد سعدي وهنايا
محمد كنزي وصفايا
محمد ذخري وعشايا
محمد يا قمة رجايا
محمد طبي وشفايا
محمد راحتي ودوايا
محمد صبحي ومسايا
محمد لي آخر مدايا
يوم تمور الناس عرايا
محمد لابس العباية
يقتل وفي إيدو العصاية
محمد للخلوق وقاية
مين القاد السرايا
مين الفات السخايا
مين الفات النبايا
مين أدوهو ألف آيه
مين سابقالو العناية
وشد براقو للسمايا
مين أدو للحمد راية
مين أعطو كوثر سقاية
يوم تغطيني الحصايا
بالرسول تكون حدايا
وفي السؤال تكون معايا
من نكير كهف الحماية

صلي ربي زيد العطايا
على الرسول نور الهداياه
وسلام فيهو الكفايه
يرشح من كل الزوايا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

شافع الزلل

لحن وأداء معتز صباحي

وا شوقي لي شافع الزلل
غرة اليوم الجلل
دوبي لي شافي العلل
ساكن الطيبة ام قلل
يوم عذاب الناس حلل
مكسي بالنور والحلل
حطم أصناما وهيل
فتنت اكباد كم جبل
كلم الطير والابل
واليحاكيهو انخبل

حرم الزيف والدجل
والكهانات والوجل
في سبيل خاطرو الاجل
جعفر ابطال حجل

في حقوق الناس عدل
والحمام راضي وهذل
الحرم الخوف والجذل
في السماوات قام قذل

أفزع إبليس وابجهل
واليهود خافوا البهل
منهم ضاقبو السهل
قالهم أنتم أهل

جاهو يشكيلو الجمل
يشفي بالتقلة الدم
كفى جيشو فرد حمل
دمعوا في الله انهمل

يرقع الثوب والنعل

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

يكره الضيق والزعل
هموا بالناس اشتعل
لا يقول كان ولعل

قلبو بالله ما غفل
سدد افاضو ونفل
حبو للناس ما افل
في الشفاعات ما جفل

نورو يضوي من الازل
قلبو يقظان ما هزل
آلف الغار واعتزل
والملاك جاهو ونزل

صل ربي ولم تنزل
لرسل تاج الرسل
والسلام يبقى ويصل
مضرب الناس في المثل

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

الرسول معشوقي
أداء محمود عبد العزيز
واداها ايضا ثنائى الصحوة
لحن ناصر عبد العزيز

الرسول معشوقي
ليهو حبي وشوقي

الأقام الليل
اليوفي الكيله
اليشد الحيل
أمين كريم وصدق

اللي عدوه يجاهد
للغيوب مشاهد
العيونو سواهد
رؤف رحيم وخلق

اليرعى حق الله
العظيم الجاه
للملايكة نباهي
عفيف شريف وشفوق

إختص بالرايات
وأعظم الآيات
وأكثر البركات
وحاز سر الذوق

الجميل ونضاره
مدرسة وحضاره
بيو الخلق تضارا
من جحيم وحروقي

الأغر الباسم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

السيفو صارم وحاسم
حبيبي يا ابا القاسم
أنت شمس شروقي

ابو البتول ورقيه
محمد بن لؤيا
نفسي بيو مرضيه
وحبه جوه عروقي

ابن فاطمة وبره
بالناس أوفى وبره
من نار ينقل بره
شفيع لكل زهوقي

صليت عليك يا كامل
في وصالك أمل
والسلام الشامل
تقول فلان معتوقي

ديوان القمر الهاشمي

الراوي الدكتور / خالد أحمد المصطفي (رحمه الله)



مديح المحبة والاشواق

شوقي سيدي محمدا
أداء وليد زكي الدين
وأداء مجموعة الكوثر

شوقي سيدي محمدا
هادي للدين والسنن

النفوس حين سبحن
للإله و قدسن
والصالحات تحدثن
بالرسول وبشرن

يوم ولودو الكون سكن
واللعين ابليس جبن
شوف لنار فارس خبن
والكرامات في اللبن

نور الكون والدجن
ابيض اللون والوجن
عنقو يوصف باللجن
والعشوق قرب يجن

عمرو عايش في شجن
اليتيم الما عجن
الخلوق حارسا ورجن
بي شفيع الناس نجن

أتعب الروح والبدن
بي فعائلو الناس هدن
تابعوا لآخر مدى
تلقى نفسك في عدن

حرم الشوم والكهن

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

والحرايات انتهن
حلل البيع والمهن
والديون فوق الرهن

شوقي ليك زاد لي جوى
والكبيدات اتكوى
والقلوب الاتشون
زاروا طيبة وما اترون

شوقي لي جد الحسن
أهدى لي قلوبا قسن
بالمودات اتكسن
في المحبات نافسن

من خصايصو اللي شفن
العدو لما اتمكن
قال بدور منك كفن
وفي هدم طه اندفن

شوقي لأب وجها حسن
قاد لناسو من الرسن
لا كهانة ولا وثن
صل عليه صبح ومسّن

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

قبل ما اعرفك واحبك

قصيدة في المحبة والتعظيم

قبل ما أعرفك وأحبك
كنت قائل إنني بعشق
وقبل ما يهديني ربك
كنت في الحب ما مرزق

كنت مسكين كنت ضايع
والزمن حاجزني منك
قلبي مشغول باليضايح
والنجوم تحكي لي عنك

من زمان في قلبي كنت
ديمه بتفشقش دموعي
ولما آخر عمري بنت
كنت فرحان بي رجوعي

البدور غيرانه منك
ونورك أجمل من ضياها
والعشوق يشرب في دنك
والبكر فاتا في حياها

الورود اعطارا ماسخه
بالعطور الفايعه منك
وشروط الحسن ناسخه
كل ما لم يرو عنك

العقل مشغول بطيفك
وروحى تحلم بي هواك
لو اكون في مرة ضيفك
والقى رشفات من دواك

صلي ربي على حبيبنا
عدادو ما يرضيك عنا
وبرد اشواقنا ولهيبنا
واغفر أرزل ما فعلنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

النبي النفيس قصيدة في المحبة والتعظيم

يا حبيب الله وحيي
جيتنا بالقرآن تنبي
والقلب للرب يلبي

انت يا جيت من نفوسنا
وبيكا اتزالت رجوسنا
وزالت آلامنا ونحوسنا
في رحابك كان جلوسنا

عزيز عليك فينا العنت
وكوم جرايم وما جنت
وظهورنا بالسوء انحنت
وذنوب عدد اجيال فنت

بالأمة غيرك مين حريض
وتتجدنا من يوم عويس
يوما صعب هل من محيص
اشملنا والبسنا القميص

وبالمؤمنين رؤف رحيم
دا اليكفي من نار الجحيم
وينجيننا في اليوم الاليم
بشفاعتو للرب الحليم
قل حاشا ما بنتولى عنك
بل نكون في حسن ظنك
ونرجو افضالك ومنك
والامم بالشوق رجك
قل حسبك الله يا حبيبنا
ونحن ايضا قال مجيبنا
و ربك الفعال حسيبنا
اصرف الشر لا يصيبنا
صلي ربي على التهامي
والسلام بي دمعي هامي
بعدد قطرات الرهامي
و بيها تتحقق مهامي

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



ما كفاية قصيدة في المحبة والتعظيم

لو بس نحبك ما كفايه
إنت مفروض يعشقوك
اصلو من لومي وجفايا
قلبي طامع في عفوك

انت يا أصفى الصفايا
ورحمة بالأنوار كسوك
ونحن نحجل ليك حفايا
والقلوب بالشوق بكوك

ما انت يا ابن الفواطم
بهجة الكون والسرور
واول النبيان وخاتم
وشافع النار الحرور

انت ناير بيك هاشم
و العواتك من سليم
وبيك ندفع كل غاشم
رحمة من عند الكريم

انت يا مزروع في قلبي
وما حبيب غيرك حبيب
في الصراط نور لدربي
والصراط زي السبيب

ديمة شاغل فيني بالي
والخاطر في علاك
انت قدرك سامي غالي
حياتي من غيرك هلاك

صل ربي على نبينا
والسلام من غير حساب
صلي يا ركني الركيننا
صلي واقتح لنا باب

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

القمر الهاشمي
ألحان وأداء معتز صباحي
وأداها أيضا محي الدين أركويت
ومحمد حسن الخضر

يا روعي سوحى في الديار العامرية
واهتري شوقا
أو فامرحي عبر الربوع الخزرجية
وتتسمي الايمان
قمر تبدى في سماء الهاشميه
نور يضى
هو رحمة الملكوت و الذات البهيه
المحي مرضي
فالكون يهتف بالحقيقه الأحمديه
في سما وأرض
والكل يحلم بالسعادة السرمديه
وصاحب القرآن
تتقاصر القامات فالتقوى نقيه
طاهر زكي
صابر على أشتات أصناف البليه
ولايشتكى
يا فجر بدد للظلامه الجاهليه
والسيره تحكي
وأزال رجسا في النفوس الأدميه
وعبادة الأوثان
يتقاطر الأحباب لزيارة وتحيه
في كل حين
وقوافل تشهد بمثواك النبيا
قربه وحنين
يا من تفاعل في الحياة البرنخيه
رغم السنين
فالنوم صحو عند رؤياك الجليه
لا ينفذ الشيطان
يا من تعلق قلبه شمس البنيه
في الحجرة
قمر تخاطبه السموات العليه
والشجرة
صلي على خير المكارم والبريه
في السدره
وسلام تحمله الوفود بلا وصيه
من عاشق ولهان

ديوان القمر الهاشمي

الراوي الدكتور / خالد أحمد المصطفى (رحمه الله)

مديح المحبة والاشواق



قاضي الغرام

مكتول بالغرام والموت شويه عليا
والحب والهيام اكبر مصيبه بليه
يا رب العباد خالق الوداد وعليا
بس يسر لي اصل اب قبة مطلية

اشهد يا حبيب انك رسول ونبيا
والخيرات تجيك من البلاد مجبيه
تتعم بالوداد ليك القلوب مسبيه
زارك بالجوار الاف شيوخ وصبيا

الجاكا ورجع من ثاني ناوي الجيه
يا قاضي الغرام شوف اللهب البيا
مكتول بالهيام يا قاضي داير الديه
ميه وديه كامله شوفة مليح الزيا

يا رحمن رحيم يا اهايا ثم شراهايا
بي حب النبي تصبح قلوبنا الباهيه
اكفينا الحجاب وذات القلوب الساهيه
وكلا انهم اكفينا هذي الداهيه

خالد وشيخ حياتي من الجزيره الحاديه
والصابون وماحي ناس الحضر والباديه
وهاشم وود سعيد زي الطيور الشاديه
واولاد اب كساوي والكلمه كيفن ناديه

مداح النبي باب كلمه دايمه باكيه
طايفين بالحبيب وبالمفردات الشاكيه
تشتم حرق القلوب زي الورود الزاكيه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

وقوافل عاشقين عبر القرون ليك حاكيه

صديق واب عكاشه الدمعتم كيف جاريه
والبرعي الاديبي وقدره لنا الساريه
وعاقب واب شريعه اهل القلوب الطاريه
في حب الرسول شوف الخلق متباريه

يا رب المشرقين منزل سبا والغاشيه
صلي على النبي صاحب المحامد الفاشيه
صلاة بالضعف لا يوم حسابك ماشيه
وخالد ود سعاد يرضوهو من الحاشيه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

للنبي سيد قلوبنا

للنبي سيد قلوبنا
للنبي سيد قلوبنا
صلوات تغفر ذنوبنا
دا حبك قيمة وجودنا
نور ارواحنا وطيوبنا
يمسح أسانا وكروبنا
يشفي جروحنا وجروبنا
ضو برأقك يجوبنا
وغيثك زال لي جدوبنا
ننصر بيك في حروبنا
ونستر بيك من عيوبنا
تفخر بيك كل شعوبنا
ونشهد بيك لي غيوبنا
ننجح بيك من رسوبنا
ونورك ناير لي دروبنا
في الجنات نبينا بابا
بالاملاك مرحب حبابا
زال في نفوسنا الضبابا
وملا في قلوبنا الصبابه
يوم لا يكون يا يمه يابا
يلبس في الجنات تيابا
مقامو رفيع جاب النيايه
وشفيغ للشيب والشبابا
خالد للبرعي جارا
كايس عند سيدو الاجاره
يختي اللوم والتجاره
قلبو يلين ما صم حجاره
صل يا من طيب وطابا
على بدر القرية وطابا
زهت الأكوان وأطابا
قدم الخير سموات وطابا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

خاطر شوق

خاطر دام يحوم حواليك

وحبي اليك منك وفيك

وعاشق قلبي كل مافيك

اهل والجد وام وابيك

مشتاق ليك داير اجيك

اشوف خديك احب عينيك

مع الزوجات احبو جريك

وتظليل الغمام باريك

ترزم ليك اهل وجمال

والمنبر يصيح بيك مال

والجذع البكى استحوال

ويفرح بيك احد وجبال

عيونك تخرش الاكباد

وحاجبك للعيون سهاد

غرامك افنى للرواد

ونشقى وبى شقانا سعاد

ديوان القمر الهاشمي

الراوي الدكتور / خالد أحمد المصطفى (رحمه الله)



مديح المحبة والاشواق

يحب لقياك صخر اصم

وحات ريدك حجارو قصم

خالد ليك سيدي بصم

جميع الكون حبيبنا فصم

تتصف للبعيد والجار

والفايت حدوده اجار

تسبح في يدك احجار

وفي جاهك نغاث ونجار

فيك في حبي سرحاني

واقصد فيك الحاني

ازورك روعي ريحاني

واطوفك بي قليب حاني

براق من جهات عيني

يشوق لي يهيج في

يسوي في قلبي الكي

اقول انا اخ اقول احي

يارحمن ودود ومليك

تصلي على حبيب وليك

اقول صلوات ازفها ليك

والاحمال رمينا عليك